

8-bob. O‘zbekiston Respublikasining Tiklanish va taraqqiyot jamg‘armasi

47-modda. Umumiy qoidalar

O‘zbekiston Respublikasining Tiklanish va taraqqiyot jamg‘armasi O‘zbekiston Respublikasi Vazirlar Mahkamasi huzuridagi moliyaviy muassasadir va u ustuvor investisiya loyihalarini hamda iqtisodiyotning bazaviy tarmoqlarini modernizasiya qilish va texnik jihatdan qayta jihozlashga, mamlakatni muttasil, barqaror va mutanosib ravishda ijtimoiy-iqtisodiy rivojlantirishga erishilishiga, shuningdek samarali tarkibiy va investisiya siyosati amalga oshirilishiga doir loyihalarni moliyalashtirish uchun ushbu Kodeksda belgilangan mablag‘larni jamlaydi.

O‘zbekiston Respublikasining Tiklanish va taraqqiyot jamg‘armasini boshqarish Kengashi O‘zbekiston Respublikasi Tiklanish va taraqqiyot jamg‘armasining yuqori boshqaruv organi bo‘lib, uning tarkibi O‘zbekiston Respublikasi Prezidentining qarori bilan belgilanadi.

O‘zbekiston Respublikasi Tiklanish va taraqqiyot jamg‘armasining ijro etuvchi direksiyasi O‘zbekiston Respublikasi Tiklanish va taraqqiyot jamg‘armasining ijro etuvchi organi va mablag‘larini taqsimlovchidir.

O‘zbekiston Respublikasi Tiklanish va taraqqiyot jamg‘armasining ijro etuvchi direksiyasi O‘zbekiston Respublikasi Hisob palatasi va O‘zbekiston Respublikasi Moliya vazirligiga:

har yili 1 iyulgacha O‘zbekiston Respublikasi Tiklanish va taraqqiyot jamg‘armasining kelgusi yil uchun daromadlari va xarajatlari loyihasini;

yilning har choragida hisobot choragidan keyingi oyning 25-kunigacha O‘zbekiston Respublikasi Tiklanish va taraqqiyot jamg‘armasi daromadlari va xarajatlarining ijrosi to‘g‘risidagi hisobotni taqdim etadi.

Qarang: Mazkur Kodeksning 45 — 49-moddalari, O‘zbekiston Respublikasi Prezidentining 11.05.2006 yildagi “O‘zbekiston Respublikasining tiklanish va taraqqiyot jamg‘armasini tashkil etish to‘g‘risida”gi PF-3751-sonli Farmoni, O‘zbekiston Respublikasi Prezidentining 16.05.2006 yildagi “O‘zbekiston Respublikasining tiklanish va taraqqiyot jamg‘armasi faoliyatini tashkil qilish chora-tadbirlari to‘g‘risida”gi PQ-350-sonli qarori, O‘zbekiston Respublikasi Prezidentining 09.03.2012 yildagi “O‘zbekiston Respublikasining tiklanish va taraqqiyot jamg‘armasi faoliyatini yanada takomillashtirish chora-tadbirlari to‘g‘risida”gi PQ-1725-sonli qarori.

48-modda. O‘zbekiston Respublikasi Tiklanish va taraqqiyot jamg‘armasining daromadlari

O‘zbekiston Respublikasi Tiklanish va taraqqiyot jamg‘armasining daromadlari:

asosiy makroiqtisodiy ko‘rsatkichlar prognozi va Davlat byudjeti parametrlarini tasdiqlashda O‘zbekiston Respublikasi Prezidenti qarorlari bilan strategik resurslarga belgilanadigan chegara narxidan jahon narxining oshishi natijasida tushadigan tushumlar;

O‘zbekiston Respublikasi Tiklanish va taraqqiyot jamg‘armasining aktivlarini boshqarishdan, shu jumladan O‘zbekiston Respublikasining Tiklanish va taraqqiyot jamg‘armasi mablag‘larining bo‘sh turgan qoldiqlarini joylashtirishdan olinadigan daromadlar;

qonun hujjatlariga muvofiq boshqa manbalar hisobidan shakllantiriladi.

O‘zbekiston Respublikasi Tiklanish va taraqqiyot jamg‘armasining mablag‘lari o‘zining O‘zbekiston Respublikasi Markaziy bankida ochilgan hisobvaraqlarida chet el valyutasida shakllantiriladi.

O‘zbekiston Respublikasi Markaziy banki O‘zbekiston Respublikasi Tiklanish va taraqqiyot jamg‘armasining

hisobvaraqlariga tushadigan milliy valyutadagi mablag‘larning O‘zbekiston Respublikasi Markaziy bankining mablag‘lar tushgan sanadagi almashuv kursi bo‘yicha chet el valyutasiga konvertasiyasini amalga oshirib, ularni keyinchalik mazkur jamg‘armaning valyuta hisobvarag‘iga kiritadi.

Qarang: Mazkur Kodeksning 45 — 49-moddalari, O‘zbekiston Respublikasi Prezidentining 11.05.2006 yildagi “O‘zbekiston Respublikasining tiklanish va taraqqiyot jamg‘armasini tashkil etish to‘g‘risida”gi PF-3751-sonli Farmoni, O‘zbekiston Respublikasi Prezidentining 16.05.2006 yildagi “O‘zbekiston Respublikasining tiklanish va taraqqiyot jamg‘armasi faoliyatini tashkil qilish chora-tadbirlari to‘g‘risida”gi PQ-350-sonli qarori, O‘zbekiston Respublikasi Prezidentining 09.03.2012 yildagi “O‘zbekiston Respublikasining tiklanish va taraqqiyot jamg‘armasi faoliyatini yanada takomillashtirish chora-tadbirlari to‘g‘risida”gi PQ-1725-sonli qarori.

49-modda. O‘zbekiston Respublikasi Tiklanish va taraqqiyot jamg‘armasining mablag‘laridan foydalanish yo‘nalishlari

O‘zbekiston Respublikasi Tiklanish va taraqqiyot jamg‘armasining mablag‘laridan:

rivojlanish davlat dasturlariga kiritilgan investisiya loyihalarini moliyalashtirish;

(49-moddaning ikkinchi xatboshisi O‘zbekiston Respublikasining 2018 yil 26 iyuldagi O‘RQ-488-sonli Qonuni tahririda — Qonun hujjatlari ma’lumotlari milliy bazasi, 27.07.2018 y., 03/18/488/1579-son)

yangi sanoat ishlab chiqarishlarini bundan buyon joylashtirish uchun ishlab chiqarish infratuzilmasini rivojlantirish va rekonstruksiya qilish loyihalarini moliyalashtirish uchun imtiyozli kreditlar berish;

yangidan tashkil etilayotgan moliyaviy institutlarning hamda iqtisodiyotning bazaviy tarmoqlaridagi chet el investisiyalari ishtirokidagi strategik ahamiyatga molik korxonalarning ustav kapitaliga investisiya kiritish;

davlat tomonidan tashqi mablag'larni jalb qilish bo'yicha xalqaro moliya institutlari va chet ellik kreditorlar oldidagi majburiyatlarni muddatidan oldin to'lash;

O'zbekiston Respublikasining Prezidenti yoki O'zbekiston Respublikasi Vazirlar Mahkamasi tomonidan tasdiqlangan modernizasiya qilish, texnik va texnologik jihatdan qayta jihozlash dasturlari doirasida tijorat banklari uchun chet el valyutasida ochiladigan kredit liniyalari orqali investisiya loyihalarini jadal moliyalashtirish va amalga oshirish;

grant asosida yoki foizsiz kreditlar berish yo'li bilan ayrim loyihalarning dastlabki yoki uzil-kesil texnik-iqtisodiy asoslarini ishlab chiqishni moliyalashtirish;

tasdiqlangan davlat dasturlariga muvofiq yangi zamonaviy xorijiy texnologiyalar, texnika va asbob-uskunalar, strategik ahamiyatga molik boshqa tovarlar xarid qilish uchun imtiyozli kreditlar berish;

ijtimoiy jihatdan ahamiyatga molik milliy davlat dasturlarini hamda ishlab chiqarish va noishlab chiqarish infratuzilmasini shakllantirishga doir loyihalarni grant asosida moliyalashtirish;

qarz oluvchi korxonalarning investisiya dasturlarini (biznes-rejalarini), shu jumladan ishlab chiqarishni texnik jihatdan qayta jihozlash, ishlab chiqarish quvvatlarining ishlatilishini ko'paytirish, raqobatbardosh mahsulot ishlab chiqarish va uni eksport qilish hajmlarini oshirish, qo'shilgan qiymat o'sishini ta'minlashga imkon beradigan investisiya dasturlarini (biznes-rejalarini) tijorat banklari bilan birgalikda moliyalashtirish;

O'zbekiston Respublikasi Tiklanish va taraqqiyot jamg'armasining ijro etuvchi devonini saqlab turish hamda uni

boshqarish bilan bog‘liq xarajatlarni qoplash uchun foydalaniladi.

Qarang: Mazkur Kodeksning 45 — 48-moddalari, O‘zbekiston Respublikasi Prezidentining 11.05.2006 yildagi “O‘zbekiston Respublikasining tiklanish va taraqqiyot jamg‘armasini tashkil etish to‘g‘risida”gi PF-3751-sonli Farmoni, O‘zbekiston Respublikasi Prezidentining 16.05.2006 yildagi “O‘zbekiston Respublikasining tiklanish va taraqqiyot jamg‘armasi faoliyatini tashkil qilish chora-tadbirlari to‘g‘risida”gi PQ-350-sonli qarori, O‘zbekiston Respublikasi Prezidentining 09.03.2012 yildagi “O‘zbekiston Respublikasining tiklanish va taraqqiyot jamg‘armasi faoliyatini yanada takomillashtirish chora-tadbirlari to‘g‘risida”gi PQ-1725-sonli qarori.